



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 3. Quantitas Regni Neapolitani.

urn:nbn:de:hbz:466:1-13120

equi Neapolitani, aliquando vocantur *Cheuaux*, ou *Courfiers de Regne*.

CAMPANIA olim *āπλως* dicta, postea Felix à fertilitate, tandem vocata est *Terra di Lauoro*, vel quia commodissimè aretur, vel quòd nonnisi magno labore subacta sit, & conseruata à Romanis, ut vult Leander, vel certè vt Blondus & omnes eruditæ, à *Campis Leborinis*, quorum Plinius meminit.

PRINCIPATVS nomen accepit, quòd magna eius pars Principi Salernitano pareret.

BASILICATA vnde sit dicta negat reperisse vsquam Leander, ait tamen ita dici posse, quòd regio hæc sit asperima, & ad instar Basilisci execranda sit; frigidè. Probabilius nomen habere videtur à cæli grauitate, & quòd incolas suos solo aëris ductu enecaret.

CALABRIA si ineptis quibusdam Grammaticis creditur, nomen habet à vocibus *καλῶς βρύω*, *bene pullulo*, seu *pubesco*, propter soli fertilitatem; melius ita dicitur à populis Calabris, de quibus egimus in Antiquâ, qui ex Apuliâ in hanc partem videntur immigrasse. Aliquando & *Calauria* nominatur.

APRVTIVM, vulgò *l'Abruzzo*, cur sic appellata sit Regio Samnitum, non consentiunt scriptores. Leander quatuor rationes huius vocis proponit. 1. quasi *non Brutia*, seu *fugitiua*, quòd indigenæ hac notâ infamiae carerent. 2. ab Aprorum frequentiâ, quoniam hîc pleræque syluz in quibus delitescunt. 3. ab asperitate montium, quasi *Asperutum*. 4. denique communior Blondi, Volaterrani, ipsiusque Leandri, vult *Aprutum* corruptè pro *Præcatio* dictum esse, à *Præcutinis* populis exiguâ Samnitum parte.

CAPITANATA nomen accepisse dicitur à quodam Duce (Capitanum Itali vocant) huc missò à Bassilio Imperatore, qui inter reliquias vrbes condidit hîc Troiam; hæc Leander ait se legisse in antiquissimis Bononiensium Chronicis; quare Manfredonix locus, antea dicebatur Portus Capitaniatæ. Quæ verò Capitanata dicebatur, cœpta est corruptè efferti Capitanata circa ann. 1018. Ita Leander.

N V M. 3. Quantitas Regni Neapolitani.

Longitudo eius desumitur ab ostio Truenti Fl. Tronto ad Prom. Parall. Geogr. Tom. II.

CCCCC

Spartiuento, quæ distantia complectitur totos sex gradus majoris circuli, ac proinde 360. mil. pas. leucas Francicas 180. Germanicas 90. Millaria Italica quidam ei tribuunt 450. sed flexuosum cursum sequuntur.

Latitudo maxima, desumitur à Caietâ, ad ostium Truenti Fl. 110. aliis 112. mill. pass. leucarum Francicarum 55. Germanicarum 27. cum dimidia. *Minima latitudo*, à sinu S. Euphemiae 18. aut 20. mil. pass. leucarum nostrarum 9. aut 10. Germanicarum 5. circiter.

Ambitus eius dicitur nunc esse 1460. milliarium omnibus reditè subductis, Collenucius autem ei tribuit 1568. quod defletere videtur à vero.

N V M. 4. De qualitate totius Regni Neapolitani.

REGNUM NEAPOLITANVM in genere caloribus obnoxium est, in maximè cis Apenninum, non ita trans montem illum æstus desciunt nisi in Apuliâ: tum quia mons ille calorem repercutit, tum quia idem ventos Boreales & frigidos refringit. Vbiique rigua est, quia Apenninus ex utroque pede suo innumeros fluuios, & fontes emittit. Vbiique oleum, vbiique vinum prouenit, vbiique pascua lœta ex quibus equi Neapolitani, qui 14. annos laborem ferre possunt, immo & annis 20. si bene curentur. Nutriuntur hinc estate, in vallibus opacis, aut in iugis algidis Apennini; hyeme in planitem deducuntur, maribus, feminisque discretis ne venere dissoluantur, & sub ilices proceras tempestate sanguine diffugiunt. Nulla hinc venenata animalia præter Tarentulam & Chersydros. Tarentulæ morsus musicâ sanatur: Chersydri ita dicti sunt serpentes qui in terrâ, & aquis viuunt. Locustæ hinc quoque magnam agris perniciem inferunt. In eo metalla omnis generis, & fodinae auri & argenti desertæ sunt, quia labori non respondebat pretium. Item hinc omnis generis marmora, lapides Lydij exquisitissimi quos Parangonas vocant. Bubali hinc quoque vegeti, & grandes, & omnis generis animalia. Sed iam singulas huius regni provincias inuisamus.

CAMPANIA FELIX, seu TERRA LEBORINA mollissimi, & temperatissimi aëris est. Aquis item abundat ad depellendos morbos. Ager hinc fertilissimus, atque cultissimus, & ferè vbiique bis in anno flores emittit. Bis quoque lina proueniunt, semel frumentum